

nr 7677


UJNB
CEDOC
DIPÒSIT
MAGALHÃES

AUÉ

SUPLEMENT SETMANAU DETH DIARI **A V U I**

DISSABTE
24 D'AGOST
DE 2002
N. 25

Comencen es desparières òbres de defensa des marges deth Garona **Era CHE invertís mès de 390.000 èuros entà garantir era seguretat des arrius**



Es òbres en arriu Garona s'an començat en tram d'Es Bòrdes, a on desbòque er arriu Joèu

es nuclèus abitadi en cas d'aiguats. Es òbres comencèren dimèrcles passat ena confluència deth Joèu damb eth Garona ath sòn pas pes Bòrdes e auràn ua durada de mes e miei apruprètz. Tamb aguestes actuacions s'agranirà era capacitat de

Era CHE actue dempús de tres ans demanes deth Conselh

desaigüe des tres arrius e tanben es sues defenses. Pendent tres ans eth Conselh a reivindicat ara CHE o aguestes actuacions entà previer quauque tipe d'avengudes derivades des fòrtes plojes. Segontes eth Conselh era reivindicacion passau per recuperar eth mantenement des infrastructures fluviaus en benefici dera seguretat des nuclèus urbans per a on passen es arrius. Es òbres costaràn ara CHE mès de 390.000 èuros.

Redaccion
ES BÒRDES

Era Confederación Hidrogràfica del Ebro a iniciat es òbres de melhora des marges der arriu Garona ath sòn pas pes desparièrs nuclèus dera Val d'Aran. Aguestes òbres afectaràn principaument as trams deth Garona ath sòn pas per Arties, Casarilh, Escunhau, Mijaran, Aubèrt, Bossòst e Les. Entad açò qu'ei a Vielha, es trabalhs contemplan ua modificacion

dera confluència der arriu Nere tamb eth Garona e çò de madeish en Es Bòrdes a on er arriu Joèu a era sua desbocadura. En aguest punt s'an iniciat es intervencions que consistissen ena demolicion

dera escolhèra existenta entà crear-ne ua de naua que sigue aerodinamica entà esvitar qu'er arriu Joèu non impacte brusquement tamb eth Garona, coma passe actuaument. Ena Bordeta ei previst retirar es

contrafòrts deth pònt vielh e apariar er airau. Enes auti lòcs, es actuacions corresponderàn ara rectificacion de totes es escolhères en tot garantir atau que son en bon estat e en situacion de protegir

Aguesta setmana en
AUÉ

Era identitat aranesa e era sua lengua ena UCE de Prada

Baqueira aurà licència aguest mes entà ampliar-se entath Pallars

CASTIÈRO

Engodronar àn era C-28 ath sòn pas per Vielha

Redaccion
VIELHA

Eth Departament de Politica Territorial e Òbres Publicas dera Generalitat de Catalonha (PTOP) començarà, un còp finalizada era sason d'ostiu, es òbres d'engodronament dera carretèra C-28 ath sòn pas peth nuclèu urban de Vielha. Es actuacions previstes non sonque beneficiaràn ara via, senon que tanben incidiràn sus

Era plaça Espanha serà sonque de carga e descarga

es trepaders pr'amor qu'er Ajuntament prevé ampliar-les entà melhorar era seguretat des pedanhs. D'aguesta manera s'eliminaràn es barralhes qu'eth consistòri met entà proibir es parcatges en tram des deth ponteth der arriu Nere enquiath crotze qu'amie entar Espitau, en carrèr Pas d'Arrò e ena avenguda Castièro. Eth consistòri a previst ues autes actuacions a compdar dera dusau quinzea de seteme que son er apraiament dera plaça Espanha entà convertir-la en un airau de carga e descarga e, era naua senhalizacion de tot eth nuclèu de Vielha entà poder enfortir atau es accions contra aqueri que non respècten es senhaus.

PALLARS



Era C-28 comuniqua Aran tamb eth Pallars peth pòrt dera Bonaigua

Er Alt Àneu balharà aguest mes era licéncia d'ampliacion a Baquèira

Era estacion d'esquí demore era licéncia ambientau entà bastir es prumèrs remontadors

Redaccion
VALÈNCIA D'ÀNEU


Abantes que finalize aguest mes d'agost, er Ajuntament d'Alt Àneu balharà ara empresa Baquèira Beret era licéncia corresponenta entà que pogue iniciar era ampliacion des pistes d'esquí entath Pallars Sobirà, segontes informe er Ajuntament. Pendent eth mes de seteme ei

previst que Baquèira Beret SA comence es òbres entà installar dus remontadors ena zòna dera Peüllà, apròp deth refugi dera Mair de Diu des Ares. Era empresa, pera sua part, a dejà sollicitat era licéncia ambientau que le permeterà hèr era installacion des telesèras dera Peüllà e Cap deth Pòrt. Er Ajuntament d'Alt Àneu, pera sua part, resolverà plan lèu er expedient d'ocupacion de

montanha publica pr'amor que Baquèira vò esvitar mès impediments ara expansion.

Projècte de 1996
D'un aute biais, era empresa Baquèira dispause enquiath mes de deseme entà amiar un projècte qu'elaborèc er an 1996 e que demorèc bloquejat pera oposicion des ecologistes. Aguest projècte contemple ua expansion dera estacion d'esquí

de 27 quilomètres entath Pallars. Eth projècte tanben prevé bastir un totau de 17 pistes e ua detzea de remontadors. D'aguesta faison eth nau complexe iuernau poderie acuelher, naut o baish, 5000 personas mès cada dia. En cas d'executar-se eth projècte, Baquèira Beret, S.A. a pressupostat era inversion en mès de 36 milions d'euros.



Entà hèr era neteja des marges der arriu Nere era brigada non ten erbicides pr'amor qu'ei vegetacion non fluviau. Tamb aguestes actuacions s'artenh melhorar era imatge der arriu ath sòn pas peth cap-lòc aranés

CASTIÈRO


Naua neteja de tot er arriu Nere pr'amor der excès de vegetacion

Redaccion
VIELHA

Es equipes de neteja deth Conselh Generau d'Aran e der Ajuntament de Vielha e Mijaran an amiat pendent aguesta setmana desparières actuacions en debit der arriu Nere entà netejar-lo des èrbes qu'invadien es sòns marges. Era brigada de neteja actue sus eth lhet deth Nere a finaus dera

primavera quan era vegetacion non fluviau ei nauta. Totun, pr'amor des abundiues ploges d'aguest ostiu s'a agut d'intervier un aute còp entà limpiar es marges der arriu. Es trabalhs de neteja s'an hèt des deth barratge deth Cap dera Vila enquiara desbocadura der arriu Nere en Garona. Participe enes trabalhs de neteja ua equipa de quate personas.

Mn. Jacint Verdaguer moric en Vila Joana de Vallvidrera.



AUÉ

Hè 100 ans dera mòrt de Mn. Jacint Verdaguer

Eth passat 10 de junh se commemorèren es cent ans dera mòrt deth capelhan e poèta Mn. Jacint Verdaguer i Santaló. Adscrit tamb un benefici ara glèisa de Betlem, demorèc es darrèri ans en Barcelona enquia que pr'amor dera tuberculòsi e dempús d'ua longa malautia, siguec trasladat tà Vila Joana de Vallvidrera a on moric. Mossen Verdaguer visitèc en dues ocasions era Val d'Aran. Er an 1882, Verdaguer entrèc per Alòs d'Isil, Pallars Sobirà, enquia arribar en Montgarri. Siguec un 17 d'agost. Un an mès tard, repetirie era experiència en tot traussar era sèrra deth Montardo des dera Vall de Boí. En aguesta dusau visita a Montgarri assistic tath romieuatge dera Mair de Diu de Montgarri eth 15 d'agost de 1883. Aqueth dia escrierie ath sòn amic Mn. Jaume Collell ua carta a on manifestaue

Redaccion
Montgarri (Pujòlo)

Mn. Jacint Verdaguer visitèc era Val d'Aran en dues ocasions tamb motiu dera plegària dera Mair de Diu de Montgarri

eth sòn estat dempús d'auer presenciat aquera jornada de hèsta. "Entre dotze i una de la tarda d'ahir començaren a veure's baixar dels ports la gent de l'altra banda del Pi-

rineu... Els pastors se cobreixen lo cap amb un com solideu de drap blau...Els pagesos van amb trajo de burell o blau, des de la boina fins als amples pantalons...Les dones van vestides amb robes violades, com en tot país senzill, i les franceses se distingeixen pel mocador enrotllat al cap a manera de capçana..." Ena carta Mn. Verdaguer contunhe era sua explicacion tamb es auhèrtes ara Verge, es cants enquiara net e era missa d'adiu de londeman. Aguesta carta dèishe testimòni de çò que passèc eth 15 d'agost de 1983 en Montgarri. Mès de 1500 personas assistiren entà venerar ara Mair de Diu. Aué, e mès populara que jamès, es abitants deth Pirenèu an sabut mantier aguesta tradicion religiosa, qu'entà lèu toti, parion qu'entà Mn. Verdaguer, ei un dia de doble hèsta. Que descanse en patz.



ara que i èm

Jusèp Lois Sans

Ousitanio Vivo

Ousitanio Vivo ei un jornau mesadèr elaborat enes Vals Occitanes d'Itàlia. Non ei un jornau dera Administracion, depen d'ua associacion que damb esfòrç a arthenhut trèir en carrèr 269 numeròs; ei a díder, qu'a mès de 22 ans d'existència. Publique es sòns articles en tres grafies diferenciadas: ua italiana, ua occitana dita "normalizada" e ua grafia provençau dita dera "escòla dou Po". A dimension de diari de 8 planes e se ven ath prètz d'un èuro. Es diaris son ua mesura der estat dera lengua. En darrèr numerò d'Ousitanio Vivo i trapi dues notícies interessantes. Ua (redactada en italian) ei era importanta resolucion votada en Vila Joana Congrès dera Associacion Internacionau d'Estudis Occitans (AIEO) entà qu'era lengua Occitana sigue declarada Patrimòni dera Umanitat. Es arguments son solides: extension territoriala plan importanta; transcendent tradicion culturau des dera Edat Mejana, desenvolopada scientificament... Se jamès arthenhesse ua declaracion pariona per part dera UNESCO, açò aurie repercussions importantes ena sua conservacion e possarie ua accion positiva per part de d'alti organismes e estaments.

Era dusau noticia (en grafia normalizada), ei era declaracion de M. Allocco: "ei era ora de començar a hèr politica".

Pendent massa generacions, en Itàlia (tanben en França), era lengua occitana a estat considerada sonque coma un valor culturau a conservar, en quauques publicacions, ena poesia, enes cançons, en bèth acte folcloric,...

Ara non ei sonque cultura, ara ei identitat e cau recuperar-la per miei dera accion politica. Eth concèpte ei diferent.

